

नन्द जी रा लाला म्हारे घरा आवो नी भजन लिरिक्स



नन्द जी रा लाला,
म्हारे घरा आवो नी,
म्हारो हिवडो हरखैला,
थांरा दरस दिखावो नीं।bd।

म्हे थांरा लाड लडास्यां,
थानै पालणियै झुलास्यां,
थां सागै रास रचास्यां,
थानै मीठा गीत सुणास्यां।
थे मुरळी जरा बजाद्यो,
म्हे सागै ढोल बजास्यां,
थे घूंघरिया घमकाद्यो,
थानै पळ्ळां पै बिठास्यां।
म्हारा कंवर कन्हैया,
मत बिलमावो जी,
म्हारा तरसै दोन्युं नैण,
थारी छबि दिखलावो जी।
नंद जी रा लाला,
म्हारै घरां आवो नीं।bd।

सबरी रो अँठचो खायो,
के आणन्द थानै आयो,
थे गया बिदुर रै द्वार,
थानै कोरो साग खुवायो।
मीरां तो पीग्यी दूध,
थारै जैर पांती आयो,
करमां री बासी राब,
सूखी रोट्यां मं के पायो।
नटखट सांवरिया,
सैं नै छिटकावो जी,
थे आवो म्हारै बीच,
म्हारा हरख बढावो जी।
नंद जी रा लाला,
म्हारै घरां आवो नीं।bd।

थे म्हारै आंगण आवो,
समस्त भजनों के लिरिक्स और विडियो बिना इन्टरनेट के भी आपसो वाइल में देखने के लिए गूगल प्ले स्टोर या एप्पल
एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiyari.com>



डोवै री राब खुवास्यूं,
कानां मत मन मं सरमावो ।
सारी सखियां नै ले आवो,
थरै ग्वाळां नै ले आवो,
म्हे रबडी खीर बणाई,
कानां धाप-धाप कै खावो ।
“गोपाळ” कन्हैया,
क्यांटै घबरावो जी,
थांरी करस्यां म्हे मनवार,
म्हारै घरां पधारो जी ।
नंद जी रा लाला,
म्हारै घरां आवो नीं।bd।

नन्द जी रा लाला,
म्हारे घरा आवो नी,
म्हारो हिवडो हरखैला,
थांरा दरस दिखावो नीं।bd।

स्वर – रमा बाई चाण्डक ।
प्रेषक – विवेक अग्रवाल ।
